

hiaemoza ho kuhku

ine noana’o, i’o hiaemoza ho kuhku mosola aʷlʷ mais’acou ’o
mi’a’ausnahe, mosola na’no nanghia. at’inghi moho mainenu ci aaha’o
na’no teesnoi. nemio, moso yuyuso emo’usnu maita’e, mainci aaha’o yupa
e’ehcʷvho nomo tasohe, ho mohcu sʷc’uʰu nomo na’no yʷn’u, ohe yainca,
“ mo man’i si micu keolo ci haengu, te ahtuo’tē na’no yʷn’u, ohe yainca,
“ mo man’i si micu keolo ci haengu, te ahtuo’tē na’no namo sotasoa. ”
ohēcueno a’pʷ’u’pʷya namo keolo ci haengu, mo ahoi yac’u to taico
si ’o hiaemoza, mo ’osni yumsu’eonu to haengu ho yu’e to cea
ho totoefungʷ to feogno, ko’ko o’amos’a nʷs’uʰate. ine micu hoepʷngʷ, mo
yuyafo ho yusuhngu to fatu ho esufeoya ho mais’a uk’a. isi yainca to kuhku,
“ ’a micus’a ahtuo’tē nʷs’uʰa ’o nia hiaemoza. ”

ine micu hoepʷngʷ ’o kukuzo, isicu aiti to kuhku ’o hiaemoza
ma o’amo nʷs’uʰa, mo na’no yamci, isi tuocosi : “ ma miko mainenu ci o’tē
nʷs’uʰa ta kuici yafeu si puzu? ” isi yainca to hiaemoza, “ ’a mi’o
no’so ’osni mʷfēu’sʷ tomo man’i ci kukuzo, ko’ko mi’o o’tē ho’upu. ”

isi yainca no koyusi to kuhku, “ manci mita emio(emzo), ’ala no’so
ohpepe ’o puzu, anana’o o’a tesi holʷi no puzu honci totoefungʷ

no f’uf’usi. ”

micu eno kokaekkaebʷ ’o kuhku ho a’pʷ’pʷyʷ tomo keolo ci haengu
ho tohbako. isi no o’tē cohivi to hiaemoza tena no ahtuo’tē nʷs’uʰa homo
maica, ’aisi no’so sʷ’nova homo angʷ bobitano ’e kuhku, ko’ko tesi ocia
keematmohi ho poa popanoa.

ne ohsi cu no hmoi to hiaemoza ’omo keolo ci haengu, nemicu ahoi
yafeu ’o puzu, mo ’osni yumsu’eonu to mʷ’eonasi ho mʷfēu’sʷ tomo
ocmʷyʷ ci kukuzo, mateno’so ahtuo’tē maezo ho’upu ’o kukuzo tamʷ
na’no yafeu ci puzu, ma tesi’so coveoza to hiaemoza ’o kuhku honci a’umtʷ
nʷs’uʰa, micu eno toe’usnu to va’uʰ ho yo’u to chumu ho cohmi ’o puzu,
ma tec’u peyʷyʷntʷhi ’o kuhku ho ohsicu afsa to hiaemoza ’o puzu, ohsi
i’vavoveia yo’veni to chumu ho cohmi to hiaemoza, mohcu eno aupopoha’o
i’vaho smoevovei ’o kuhku. ne ohsicu eʷsvʷta to hiaemoza ’a la no’so
meelʷ yu’e to cea ho totoefungʷ to feongo, ko’ko o’amo nʷs’uʰa, ahoi ho
mio, ’ana moso la ’aoko yoobai ’o hiaemoza ho kuhku. at’inghi, lasic’o
asnguca sia no ’tohungʷsi no kuhku, tena si la akoeva no auska ’aafofova no
ta’esi.

(文章大意 僅供參考) ※字數限 200 字

穿山甲與狐狸

以前，穿山甲跟狐狸就跟人一樣，因細故吵得很兇。他們路過草原，便說：「我們把草燒了，誰不被燒死，就是最厲害的。」當狐狸燒起芒草，穿山甲鑽到地底挖洞躲起來。燒完，穿山甲並沒有被燒死，驚訝的問：「怎沒被燒死？」穿山甲說：「因為我用草覆蓋身體。」狐狸心中暗付，有理。便堆起乾草躺上去。當穿山甲把乾草燒起來，狐狸鑽進草堆，穿山甲取水將火熄滅。狐狸已奄奄一息，穿山甲便說出沒被火燒死的原因。從此，兩個便不再爭吵。